

**Utoqqalinersiaqartut qanigisaannik toqusoqartillugu Kalaallit Nunaanni ilisiartornisamat ukiumut ataasiarlutik pisortanit akiliunneqartalernissaat isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Nikolaj Jeremiassen, Siumut)

## **Akissuteqaat**

(Ilaqutariinnermut, Naligiissitaanermut Isumaginninnermullu Naalakkersuisoq)

### **1. Siullermeerneqarnera**

Utoqqalinersiaqartut qanigisaannik toqusoqartillugu ukiumut ataasiarluni akiliunneqartalernissamik isumaginneqqusissut pillugu aalajangiiffigisassatut siunnersuut Naalakkersuisut qujassutigaa.

Sammisaavoq Naalakkersuisunit pingaartilluinnarneqartoq. Utoqqalinersiallit inuuniarnermi atugaat naliliiffigisassallugillu pingaartuuvoq.

Siunnersuutsip siunertarivaa innuttaasut amerliartortut utoqqalinersiuteqalersimasut inuunermini annertunerpaartaani sulisimanermikkut inuiaqatigiit ullumikkut inissisimanerannut peqqutaaqataaluinnartut pitsaanagerusumik atugarisaat qulakkeernissat. Taamaattumik Naalakkersuisut isumaqatigaat utoqqalinersiallit inuiaqatigiinni inissisimanerisa pitsaanagerulersinneqarnissaat naapertuilluartoq.

Isumaginninnermi suliaqarfik aaqqissuunneqartussaavoq ukiut arlallit ingerlanerini. Isumaginninnermi suliaqarfimmuut tunngatillugu maleruaqqusat assigiinngitsut pitsaanagerusumik sunniivigeqatigiittarnissaasa qulakkeerneqarnissaat pingaartinneqarpoq. Naalakkersuisut sulissutiginiarpaat maleruaqqusat assigiinngitsut siunissami imminnut naapertuutsinneqarnerulernissaat.

Naalakkersuisut naalakkersuisooqatigiinnissamik isumaqatigiissummi qitiutippaat nunatsinni utoqqalineq nuannersuunissaa. Naalakkersuisooqatigiinnissamik isumaqatigiissummi oqaatigineqarpoq utoqqalinersiuteqartarnermik aaqqissuussaq ineriartorteqqinneqarnissaa aammattaq utoqqalinersiaqartitsisarnermi pingaarutilinnik suliniuteqartoqassasoq.

Aningaasaqarnikkut ilungersunartumik inissisimasoqarnerata kingunerisaanik Naalakkersuisut ilaqutaasunik toqusoqartillugu aningaasanik immikkoortitsinissaq periarfissaasimanngilaq. Utoqqalineri utoqqalinersiutilinnut atugassarititat tamakkiisumik pitsannorsarnissaat Naalakkersuisut sulissutiginiarpaat. Suliniutigineqarpoq tunngaviusumik utoqqalinersiutisiaqartitsisalernikkut aammalu utoqqalinersiat saniatigut isertitaqalersinnaanerup periarfissiinikkut annertusarneratigut.

Naalakkersuisunit eqqumaffigeqquneqarpoq kommuninut aningaasaqarnermut kinguneqaataasinnaasut Inatsisartuni Naalakkersuisunilu aalajangiitilluta kommunit aningaasaqarnerannut kingunerisassat eqqarsaatigineqartassammata.

Taamatut oqaaseqarlutik Naalakkersuisut inassutigaaat siunnersuut akuersissutigineqassanngitsoq.

Naalackersuisut Inatsisartut pitsaasumik oqallinnissaat qilanaaraat.